

# Qishloq hayoti

O'ZBEKISTON RESPUBLIKASI IJTIMOY-IQTISODIY GAZETASI

e-mail: infoqishloqhayoti@mail.ru

1974-yil 1-yanvardan chiqq boshlagan

2026-yil 19-mart, payshanba

№ 12 (9384)

t.me/Qishloqhayoti\_gazetasi

## ЎЗБЕКИСТОНДА ИНКЛЮЗИВ ҚОНУНЧИЛИКНИ РИВОЖЛАНТИРИШДА ЭРИШИЛАЁТГАН ЮТУҚЛАР ЮҚОРИ БАҲОЛАНДИ

Олий Мажлис Сенатига БМТнинг ОИВ/ОИТС бўйича Бирлашган дастури (UNAIDS)нинг минтақавий директори Имонн Мерфи ташриф буюрди.




Шу муносабат билан ташкил этилган тадбирда UNAIDSнинг жаҳон миқёсида ОИВ инфекцияси янги ҳолатларининг олдини олиш, ОИВга чалинган шахслар учун даволаш, парваришlash ва қўллаб-қувватlash хизматларини кенгайтириш, шунингдек, эпидемиянинг ижтимоий таъсирини камайтиришга доир фаолиятига эътибор қаратилди.

Сенатнинг Фан, таълим ва соғлиқни сақлаш масалалари қўмитаси аъзоси Гулнора Маруфова UNAIDSнинг Ўзбекистондаги фаолияти доирасида миллий соғлиқни сақлаш тизими салоҳиятини мустаҳкамлаш, ОИТСга қарши курашиш дастурларини мониторинг қилиш ва баҳолашни такомиллаштириш ҳамда техник ва молиявий ресурсларни жалб этиш бўйича амалга оширилаётган ишларни қайд этди.

Имонн Мерфи Ўзбекистонда инсон ҳуқуқларини таъминлаш, инклюзив қонунчиликни ривожлантириш, миллий қонунчиликни халқаро мажбуриятлар билан уйғунлаштириш, шунингдек, ижтимоий ҳимоя, жамоат саломатлиги ва гендер тенгликни таъминлаш соҳаларида эришилаётган ютуқларни юқори баҳолади.

Учрашув якунида томонлар Ўзбекистонда ижтимоий соҳада амалга оширилаётган ислохотларни қўллаб-қувватlash ҳамда Ўзаро ҳамкорликни ривожлантиришга тайёр эканлигини билдирди.

Норгул АБДУРАИМОВА,  
ЎЗА мухбири.



## Фоторассом китоби нашрдан чиқди

Ўзбекистон Бадий ижодкорлар уюшмаси ҳамда Журналистлар уюшмаси аъзоси, журналист, фоторассом Султонбой Деҳқоновнинг “Адабиёт ва ҳаёт” номли китоби албому чоп этилди.

Ушбу китоб албомда муаллифнинг замонавий ўзбек адабиёти ривожига ўзининг ранг баранг асарлари билан ҳисса қўшаётган элимиз суйган шоиру ёзувчилари, ёш қаламкашларнинг ижодида бўлган меҳр муҳаббати, эътирофи фотоҳикояларда бадий акс эттирилган.

Шунингдек, Ўзбекистон халқ шоири Усмон Азим, Ўзбекистонда хизмат кўрсатган маданият ходими, истеъдодли шоир Эшқобил Шукурнинг китоб албомнинг бадий аҳамияти, ўқувчиларга маънавий маърифий фойдаси ҳақидаги фикрлари китобдан ўрин олганлиги илиқ таассурот уйғотади.

Китоб албом Ўзбекистон Бадий академияси ижодкорлар уюшмаси ва Ёзувчилар уюшмаси ҳамкорлигининг ёрқин намунаси сифатида, Ўзбекистонда хизмат кўрсатган журналист, таниқли шоир Салим Ашур бадий муҳаррирлигида чоп этилди.

## ИЛМ-ФАН ВА ТАЖРИБА УЙҒУНЛИГИ

Бу жараён толали экинлар етиштиришда қанчалик самарали?

**Бугунги тараққиёт замони ҳар жабҳага илм билан ёндашувни талаб этмоқда. Шу жумладан, қишлоқ хўжалигида ҳам. Энди уруғни ерга сочиб, кўчат ёки ниҳолни қадаб қўйишнинг ўзи билан иш битмайди. Экишу парваришдан тортиб, ҳосилни йиғиб олишгача, ерни тайёрлашдан тортиб, суғоришгача – барча жараёнда илм зарур.**

Бунга амал қилмаган деҳқон, боғбон, фермер ёки томорқачи ҳам вақт жиҳатдан, ҳам даромад нуқтаи назаридан ютқазиб қўйиши мумкин. Сабаби, бугунги тупроқ, табиат, экология ва бозор аввалгидай эмас. Шундай экан, қишлоқ хўжалигида юқори самарадорликка фақат илм ва инновация туфайли эришиш мумкин. Мамлакатимиз қишлоқ хўжалигида кейинги йилларда аини шу жиҳатларга катта эътибор берилаётганининг боиси шунда. Бунинг учун ҳуқуқий асослар мустаҳкамланипти, етарлича шарт-шароитлар яратилган ҳаракат қилинапти. Жумладан, мамлакатимиз иқтисодиётида толали экинлар алоҳида аҳамиятга эга. Соҳада тармоқнинг салмоғи катта. Шу нуқтаи назардан табиий толаларни етиштириш ва ривожлантириш устувор вазифалар сирасига киради.

Республикаимизда етиштирилаётган табиий толалар ранги, узунлиги, пишиклиги

ва бошқа сифат кўрсаткичлари билан халқаро стандартларга тўла мос келади. Бу унинг жаҳон тола бозорида харидорлигини таъминлайди.

Айтиш керакки, Президентимизнинг 2023 йил 15 декабрдаги қарори пахтачилик соҳасида янги босқични бошлаб берди. Негаки, ушбу ҳужжат асосида пахта ҳосилдорлигини ошириш, уруғчилик тизимини такомиллаштириш ва юқори сифатли тола етиштиришни кенгайтиришга қаратилган кўплаб вазифалар белгилаб берилди. Хусусан, 2024 йил 1 январдан юқори ҳосилдор хорижий ғўза навлари ва дурагайлари тажриба-синов тариқасида жорий этишга руҳсат берилди. Натижада, дастлабки йили бундай навлар пахта-тўқимачилик кластерлари ва фермер хўжаликлари майдонларининг 10 фоизигача қисмида етиштирилди.

(Давоми 2-саҳифада)

**“Бугунги шиддатли замонда илм-фан ва рақамли технологияларни эгаллаш билан бирга, ёшларимизнинг қалби ва онгида миллий ғурур, аждодларимизнинг муқаддас диний-маърифий кадриятларига садоқат туйғусини шакллантиришимиз шарт. Бу – миллий ўзликни англаш, келажақ пойдеворини қуриш демакдир”.**

Шавкат МИРЗИЁЕВ

## Рақамли асрда миллий руҳ: аждодлар мероси ва маънавий янгилаш

Бугун инсоният тарихидаги энг кескин бурилиш нуқтасида турибмиз. Рақамли цивилизация нафақат турмуш тарзимизни, балки маънавий оламимизни ҳам трансформация қилмоқда. Шу шароитда “Биз киммиз?”, деган савол ҳар қачонгидан ҳам долзарб бўлиб, аждодларимизнинг диний-маърифий мероси рақамли уммонда қутқарувчи маёқ вазифасини ўтамоқда.

**Миллий ўзлик ва маънавий ID**

Глобаллашув ва сунъий интеллект асрида миллатлар ўз қиёфасини йўқотиш хавфи остида қолмоқда. Миллий ўзликни англаш бу шунчаки ўтмишни эслаш эмас, балки аждодларимиздан мерос бўлган маънавий генларни замонавий дунёқараш билан уйғунлаштиришдир. Акс ҳолда, миллат виртуал оламда шунчаки “алгоритмлар объекти”га айланади.

Рақамли дунёда миллий ўзлик бу “Маънавий идентификация” (Spiritual ID). Шу сабабли тарихий қўлёзмалар,

классик асарлар ва диний-маърифий мерос энди мобил иловалар, виртуал платформалар ва интерактив ўқув лойиҳалар орқали ёшлар билан учрашмоқда.

**Ёшлар – тараққиёт ва маданиятнинг ҳаракатлантирувчи кучи**

Президентимиз шу йилнинг 24 феврилида, ёшлар билан ўтказилган очиқ мулоқотда “Бизга ҳам дунё билан бўйлаша оладиган, ҳам ўзлигини, аждодларининг кимлигини унутмай-

диган ватанпарвар ёшлар керак”, дея таъкидладилар. Ёшлар мамлакатнинг энг катта конструктив ресурс бўлиб, “олтин авлод” сифатида янги саҳифаларни ёзишга қодир ва мамлакат келажагини шакллантиради. Республика ёшларига ўқиб, бизнес, технология ва инновациялар соҳаларида кўплаб имкониятлар яратилмоқда: инновацион мактаблар, технопарклар, онлайн таълим платформалари ва ёшлар форумлари орқали улар лидерлик ва ижодий фаолиятни ривожлантиради.

(Давоми 2-саҳифада)

САМАРҚАНД ВИЛОЯТИ



Жаннатмонанд юртимизга ҳаммамизни соғинтирган фасллар ғўзали – сўлим баҳор ташриф буюрди. Баҳорнинг дастлабки кунларидан қир-адирларга яшил гиламлар тўшалиб, турли-туман гуллар очилди. Қишда мириқиб ухлаган дарахтлар қуртқа ота бошлади.



Булунғур туманининг Ғўбдин тоғлари этагидаги қир-адирлардан иборат Бот-бот қишлоғига ҳам баҳор қулиб боқди. Қўм-қўқ май-саларга бурканган қир-адирларда қўй-қўзилар чопқилиб, маърашиб ўтлаб юришибди...

Сўлим баҳор дастлаб фермер Ўлмас аканинг 7 гектарлик бодом-зорига кириб келди. Биринчи бўлиб гуллаган бодомзордаги бодом дарахтлари атрофга ажойиб хид таратмоқда. Баҳорнинг илиқ қуёш нурларида асаларилар гуллардан тўйиб баҳра олмоқда. Кенг лй-ловда қўй-қўзилар боқаётган чўпон



Абдурайим ака қўйларга ишора қилиб, бу қўйлар ака-ука иккаламзиники, дейди қулиб. “Қўйларимиз эллик бош эди. Баҳор келиши билан

бирин-кетин қўзилади. Шу сабаб бугунга келиб юз бошга етди”.

Раббим ҲОТАМОВ олган суратлар.

## Ҳайит – қалблар покланадиган улуғ кун

**Ҳайит бу оддий байрам эмас. Бу кун сабрнинг мукофоти, ибодатнинг меваси, қалбларнинг покланишидир.**

Рамазон ойи давомида мўмин банда очлик ва чанқоқликка сабр қилди, нафсини тийиб, гуноҳлардан йироқ бўлишга ҳаракат қилди. Кечалари ибодатларда қоим бўлди, кундузлари соим бўлди, Қуръон тиловат қилди, садақа берди ва ниҳоят, Аллоҳ таоло унга Ҳайит кунини ато этди – мукофот кунини сифатида.

Ҳайит кечирим ва меҳр-оқибат кунини. Кимдир сизни хафа қилган бўлса, кечиринг, ким биландир орангиз бузилган бўлса, ярашинг! Чунки Аллоҳ таоло кечирувчи бандаларини севади.

Пайғамбаримиз Муҳаммад саллоллоҳу алайҳи васаллам айтганлар: “Раҳм қилмаган кишига раҳм қилинмайди.”

Шундай экан, бутун қалбимизни ҳасад, ғазаб, адоватдан тозалайлик. Ҳатто китобларимизда икки мўмин бир бирдан гина адоватда бу дунёдан ўтиб кетсалар иккиси ҳам жаннатга кирмайди, дея огоҳлантирганлар. Яъни, мўмин-мусулмон инсонлар уч кундан ортиқ гина сақлашлиги ҳалол эмас, дея бундан Пайғамбаримиз Муҳаммад Мустафо саллоллоҳу алайҳи васаллам биз умматларини огоҳлантирганлар.

Ҳайит – шукр қилиш кунини.

Ҳайит кунини биз Аллоҳга шукр қилишимиз керак. Чунки У бизга соғлиқ берди, йймон берди, яна бир Рамазонни ўтказишга имкон берди.

Ҳар ким ўзидан сўрасин: мен бу Рамазондан қандай қикдим, қалбим ўзгардим, гуноҳлардан қайтдимми?

Агар ижобий бўлса, бу Аллоҳнинг раҳмати, агар йўқ бўлса, ҳали имкон бор, тавба эшиги ёпилмаган. Энг катта исрофгарчилик бу умрни исроф қилишлик дейилган. Қисқагина умримиздан унумли фойдаланиб, икки дунёимизни обод этишликка ҳаракат қилмоғимиз керак.

Ҳайит – меҳр улашиш кунини.

Бу кунда камбағалларни, етимларни, ёлғизларни, қийналганларни, кўнгли ярим инсонларни эслайлик, уларни зиёрат қилиб, қалбларига, ҳонадонларига хурсандчилик, байрам шукрухнин олиб қирайлик Ҳадиси қудсийда Аллоҳ таоло бир банданинг қалбига хурсандчилик олиб кирган, қалбини обод этган бандамга жаннатимни ваъда қиламан, дея хушхабар берган. Шундай экан инсонларнинг қалбига, ҳонадонига қувонч, хурсандчиликлар олиб қирайлик! Ҳеч бўлмаса, ширин сўзимиз билан икки дунёда ҳам саодатимизни зиёда этадиган улкан мукофотларга мушарраф бўлиш баҳтига шошилайлик!

Чунки ҳақиқий Ҳайит бошқаларга қувонч, хурсандчилик улаша олган кишиникидир.

Муҳаммадшокир БОБОХЎЖАЕВ



Biznesni Rivojlantirish Banki

muborak bo'lsin!

www.brb.uz

1254

## ОБОД ЮРТГА ҚЎШ АЙЁМЛАР ЯРАШУР

Юртимизга баҳор келди. Кўкламга интиқ қалблар муборак ой – Рамазони шариф муносабати билан янада ўзгача сурурга тўлди. Шукроналик, сабр, меҳр-оқибатга чулғанди юраклар, қўшалоқ айём севинчи борлиққа ёйилди. Мамлакатимизда Рамазон ҳайити ҳамда Наврўз байрами кенг нишонланмоқда.

Наврўз – инсонийлик, меҳр-оқибат, мурувват ва меҳнатсеварлик каби қадриятларни ўз ичига олган қадимий умумхалқ байрамларидан бири. Хонадонларда пиширилган Наврўз дастурхонининг безаги – кўк сомса, кўк чучвара, ҳалим, сумалак ва бошқа таомлар танимизга дармондори бўлиш билан бирга, кўни-кўшнилар, қариндош-уруелар, дўст-биродарлар, меҳнат жамоалари ўртасидаги меҳр ипини янада мустаҳкамроқ боғланишига сабабчи ҳам бўлмоқда. Рамазон ойида ён-атрофдагиларга, беморларга, эҳтиёжмандларга улашилган эҳсонлар, кўрсатилган моддий ёрдамлар эса сумалаклар тортиғига улашиб кетади. Кексаларимиз Рамазон ойига ва баҳорга еткизганига шукр қилиб, йилнинг яхши, баракали келишини тилаб, дуолар қилишмоқда.

Бу йил Наврўз нафақат баҳор фаслининг кириб келиш рамизи сифатида, балки халқимизни янада бирлаштириш, одамлар орасида меҳр-оқибат, саховат ва эзгу ниятларни тарғиб этишига янада кўпроқ хизмат қилмоқда.

Таъкидлашимиз керакки, мамлакатимизда амалга оширилаётган кенг қўламли ислохотлар туфайли инсон қадрини, унинг ҳуқуқ ва манфаатларини таъминлаш, халқимиз фаровонлигини ошириш, жамиятда тинчлик, дўстлик ва ҳамжиҳатлик муҳитини, ижтимоий адолат тамойилларини мустаҳкамлаш

йўлида улкан қадамлар ташланмоқда. Буларнинг барчаси қадимий тарих ва анъаналарга эга бўлган шарқона янги йил байрами – Наврўзи оламнинг инсонпарварлик моҳияти, унинг бағрикенглик, саховат ва меҳр-оқибат каби азалий қадриятлари аҳамиятини янада юксалтирмоқда.

Халқимиз баҳорни озодлик, ободлик, фойз-барака билан қутиб олишга одатланган. Шу мақсадда республикаимизда шу йил 13-14 март кунлари ўтказилган умумхалқ хайрия ҳашарида барча юртдошларимиз ўз ихтиёрлари билан иштирок этдилар. Тозаланган хонадонлар, кўчалар, корхона ва ташкилотлар, аҳоли яшаш манзиллари, таълим муассасалари, ерга қадалган ниҳоллар, гул кўчатлари, тартибга келтирилган дарахтлар – барчаси кўклам ва Наврўз тароватини янада ошириб юборди. Бу табиийки, атроф-муҳитни муҳофаза қилиш, яшилликнинг ортишига хизмат қилади. Президентимиз “Менинг энг катта ниятим - ариқларимиздан яна тоза сувлар оқсин, келинларимиз, қизларимиз ўша ариқдан сув олиб, чой дамлаб ичадиган, болаларимиз маъза қилиб чўмилидиган қунарга яна қайтайлик. Бунинг учун табииятга асрашимиз, сувни исроф қилмаслигимиз керак”, дея таъкидладилар. Бу жуда эзгу фикр. У қалбимизда оғриқ бўлиб турган айрим муаммо ва ҳолат-

ларни фурсат қутмай, қалб амри билан бартараф этишимизга руҳлантиради. Зотан, Аллоҳ таоло бизга ином этган бу гўзал табиатни авайлаб-асраш ҳар бир мўмин-мусулмоннинг шарафли бурчи.

Биз истиқомат қилаётган Норинкапа қишлоғида булоқлар кўп ва улардан ҳозир ҳам бутун қишлоқ аҳли обихаётга қонади. Сўнгги йилларда саховатпеша инсонлар томонидан булоқлар атрофи бетонланиб, чиройли ҳолатга келтирилгани, сув олгани келган инсонларга осон бўлиши учун шароит яратилганини чуқур мамнуният билан таъкидлаш мумкин. Қолаверса, қишлоқнинг ўзига тўқ оилалари томонидан Рамазон ойи давомида ҳар кун саҳарлик вақтида ош дамланиб, тарқатилди. Бу ҳамюртларимизнинг хайр-саховат, мурувват туйғуларини эъозлашига бир далилдир.

Бугун бунёдкор халқимиз дуода. Кўклам аввалидаги, қутлуг Рамазон ойи ҳамда ҳайит байрамида қилинган эзгу ниятлар ижобатига умидимиз катта. Қўшалоқ байрамлар ярашган Янги Ўзбекистонимизнинг мустақиллиги, тинчлиги абадий бўлсин, осуда, фойзли ва тўқин ҳаётимизга асло кўз тегмасин!

**АБОРЖОН ТУРҒУНОВ,**  
Норин туманидаги “Ғойиб бува” жомеъ масжиди имом-хатиби,  
Икромхон АБДУРАҲМОНОВ,  
имом ноиб.

## ҚОРАҚАЛПОҒИСТОН РЕСПУБЛИКАСИ СУВ ХЎЖАЛИГИ ВАЗИРЛИГИ ВА ТАРКИБИДАГИ КОРХОНА, ТАШКИЛОТЛАР ЖАМОАЛАРИ

юртдошларимизни,  
шу жумладан, фидойи  
ҳамкасбларини  
муборак Рамазон ҳайити  
ҳамда Наврўз байрами  
муносабати билан  
самимий табриклайди.  
Барчага эл-юрт равнақи  
йўлидаги хайрли ишларда  
омадлар тилайди.



## “ЎЗЙЎЛКЎПРИК” КЛАСТЕРИНИНГ ТОШКЕНТ ВИЛОЯТИ ФИЛИАЛИ ДАВЛАТ МУАССАСАСИ ЖАМОАСИ

барча ватандошларимизни, юртимизда  
фаолият юритаётган чет эллик ҳамқорларимизни  
муборак Рамазон ҳайити ва Наврўз умумхалқ,  
байрами билан самимий қўтлайди.  
Янги Ўзбекистонимизнинг янада чирой очиши,  
эртанги қуниимизнинг фаровонлиги ва ободлиги  
йўлидаги эзгу саъй-ҳаракатларида улкан  
муваффақиятлар тилайди.



### Эълонлар

|                                                                                                                                                                                                         |                                                                                                                                                                                                                                             |
|---------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------|
| 08-01/28586 рақами билан 2004 йил 3 февралда Ахмедов Казимхан Ганиевич номига берилган хонадонга эгалик ҳуқуқини берувчи Давлат ордери йўқолганлиги муносабати билан ҳақиқий эмас, деб ҳисобланади.     | 011-02/1497 рақами билан 1993 йил 4 февралда Абдулманов Мирхат Айсевич номига берилган хонадонга эгалик ҳуқуқини берувчи Давлат ордери йўқолганлиги муносабати билан ҳақиқий эмас, деб ҳисобланади.                                         |
| 03-02/1261 рақами билан 1993 йил 4 январда Бобаева Матлуба Агзамхонджаевна номига берилган хонадонга эгалик ҳуқуқини берувчи Давлат ордери йўқолганлиги муносабати билан ҳақиқий эмас, деб ҳисобланади. | 05-02/11310 рақами билан 1993 йил 31 майда Зияев Шукржон Исмаилович номига берилган хонадонга эгалик ҳуқуқини берувчи Давлат ордери йўқолганлиги муносабати билан ҳақиқий эмас, деб ҳисобланади.                                            |
| 06-01/938 рақами билан 1992 йил 9 декабрда Валиахметова Химия Нурсафиевна номига берилган хонадонга эгалик ҳуқуқини берувчи Давлат ордери йўқолганлиги муносабати билан ҳақиқий эмас, деб ҳисобланади.  | 04-22/519 рақами билан 1993 йил 22 февралда Рыбаков Вениамин Павлович номига берилган хонадонга эгалик ҳуқуқини берувчи Давлат ордерининг 2021 йил 27 июлда берилган дубликати йўқолганлиги муносабати билан ҳақиқий эмас, деб ҳисобланади. |
| 22-05/1879 рақами билан 2020 йил 30 июлда Хайруллаев Ақром Хайрулла ўғли номига берилган хонадонга эгалик ҳуқуқини берувчи Давлат ордери йўқолганлиги муносабати билан ҳақиқий эмас, деб ҳисобланади.   | 0022965 рақами билан 2004 йил 23 февралда Ахмедова Зумрат Маннаповна номига берилган 83ау сонли мулкка эгалик ҳуқуқини берувчи Давлат ордери йўқолганлиги муносабати билан ҳақиқий эмас, деб ҳисобланади.                                   |



**Тошкент давлат аграр университети жамоаси**

барча юртдошларимизни, қишлоқ хўжалиги соҳаси ходимларини, олимлар, миришқор деҳқонлар ҳамда муҳтарам устозларни муборақ Рамазон ҳайити ва Наврўз байрами билан чин қалбдан табриқлайди.

Озод ва обод Ватанимиз равнақи, эл-юрт манфаати йўлидаги эзгу ишларда барчангизга янги зафарлар ёр бўлсин, қўнғиллар олам-олам орзу-умидларга тўлсин, хонадонларингиздан қут-барақа аримасин!



**“МИКРОКРЕДИТБАНК”**  
акциядорлик-тижорат банки жамоаси

юртдошларимизни янгиланиш, яшариш айёми –  
**Наврўзи олам**  
билан муборакбод этади.

Барчангизга мустаҳкам соғлиқ, юртимиз равнақи йўлидаги эзгу ишларингизда улкан зафарлар тилайди. Қалбларингиздан шоду хуррамлик, хонадонларингиздан файзу барақа аримасин, азизлар!



Азиз юртдошлар!  
Барчангизни кириб келаётган шарқона янги йил –  
**Наврўзи олам**  
билан муборакбод этар эканмиз, айна шу фараҳбахш лаҳзаларда юртимиз табиати, она заминимиз гўзаллигини асраб, авайлашдек шарафли ишларимиз билан юртимиз ривожига муносиб ҳисса қўшаётганимиздан ниҳоятда мамнунлигимизни ҳам билдириб ўтмоқчимиз.

Ушбу кутлуғ кунлар хонадонларингизга файзу барақа, дилларингизга олам-олам сурур бағишласин!

**ЎЗБЕКИСТОН РЕСПУБЛИКАСИ**  
**ЎРМОН ХЎЖАЛИГИ АГЕНТЛИГИ ЖАМОАСИ**



**Автомобиль ИИҚТБ жамоаси**

Эзгулик, меҳр-оқибат байрами –  
**Наврўзи олам ҳамда**  
**Рамазон ҳайити**  
билан халқимизни, тизимда меҳнат қилаётган ҳамкасбларини, устозларни қизгин табриқлайди. Аразу гиналар унутилиб, муҳтожлар ҳолидан хабар олиниб, кўплаб хайрли ишларга қўл уриладиган ушбу кунларда барчаларингизга соғлиқ-саломатлик, оилаларингизга тинчлик, хотиржамлик тилайди.

**Qishloq hayoti****MUASSISLAR:**

O'zbekiston Respublikasi  
Vazirlar Mahkamasi  
kompleksi tarkibidagi hamda  
boshqa daxldor vazirlik  
va idoralar.

Bosh muharrir:  
**Chori LATIPOV**

**Tahrir hay'ati:**

Ibrohim ABDURAHMONOV,  
Shavkat Hamroyev, NARZULLO OBLUMURODOV,  
Eshmirza ABDUALIMOV, Habib TEMIROV,  
Raimqul SUYAROV (bosh muharrir o'rinbosari).

O'zbekiston Matbuot va axborot agentligi tomonidan  
2009 yil 13 fevralda № 0020-raqam bilan ro'yxatdan o'tkazilgan.

Hajmi 2 bosma taboq. Ofset usulida bosildi,  
qog'oz bichimi A-2. Nashr indeksi – 144.  
Buyurtma G-317. 1860 nusxada chop etildi.

Gazeta tahririyat kompyuter markazida terildi va sahifalandi.  
**Sahifalovchi-dizayner:** Mapkc YUSUPOV.

**Tahririyat manzili:**

Toshkent viloyati Qibray tumani, Universitet ko'chasi, 2-uy.  
**Telefonlar:** +998 77-080-43-70, +998 99-050-69-45.

**Reklama va e'lonlar** – (998 90) 317-19-16.

**E-mail:** infoqishloqhayoti@mail.ru Bahosi kelishilgan narxda.

Gazeta "Sharq" nashriyot-matbaa aksiyadorlik  
kompaniyasi bosmaxonasida bosildi.

**Bosmaxona manzili:** "Buyuk Turon" ko'chasi, 41-uy. 1 2 3 4 5 6

ISSN 2010-7021



Bosishga topshirish vaqti: 21.00  
Bosishga topshirildi: 19.00